

續修四庫全書

《續修四庫全書》編纂委員會編

續修四庫全書

上海古籍出版社

一六九〇・集部・總集類

江西詩徵九十四卷附刻一卷補遺一卷（卷八十六至卷九十四）〔清〕曾燠輯……………一

沅湘耆舊集前編四十卷〔清〕鄧顯鶴輯……………一七七

沅湘耆舊集二百卷（卷一至卷二十六）〔清〕鄧顯鶴輯……………四六一

江西詩徵卷八十六

南城曾煥賓谷編輯

名媛

鍾令嘉

令嘉字守箴晚號甘茶老人鉛山人贈君適園蔣
堅配以子士銓貴封安人有柴車倦遊集

臘日寄銓兒

北地寒威重憐伊客裏身音書差慰我貧賤莫驕人失路
皆由命安時卽報親師言當服習莫負誨諄諄

汝婦能承順無時離膝前居然兼子職久已得姑憐生育
宜佳氣平安似昔年傳聲語夫婿孤館城憂煎

江西詩徵

卷八十六名媛

一

汝妹依邱嫂幽窗共食眠穿針纔學繡識字不成篇閨訓

寵知聽童心未盡蠲歸期寧解卜時刻擲金錢

頻年思子汨前月抱孫纔憶汝孩提似原他祖德該啼聲

勞客試秀骨或天來歸日應過膝聞當笑口開

心情憐下第約畧似前番官道應扳柳家庭已樹萱恃才

防暗忌交友戒多言結習還當掃新詩莫詠寬

力學看駒隙從游汝得師遙分五秉粟足供十人炊汝友

皆相念肥甘數見貽呼吾如若母問慰過時時

僕婢愛茲非同鋤半畝園門關饒歲月居僻遠塵喧夜火

機伊軋家人樂笑言眼昏今益甚書帙嬾重翻

夢雨天涯路肩輿往復頻師方爲講學客豈是依人驅馬

題橋志雙親鵲望身而翁墳上草今已四回春

送銓兒赴禮闈

半生常在別離間又整行衣厚着綿雙眼漸昏鍼線亂寸
心無着夢魂牽關河此去風霜遠骨肉何因聚散偏不用
登高望親舍金泥須早慰堂前

題自繡梅花詩圖

屈鐵孤梅臺古苔巡檐寒蕊凍難開分明一幅鷺溪絹繡
出詩人小像來

泪珠成串上殘絨十指寒香敵朔風驀地停鍼魂欲語梅
花如雪照房櫳

身後君無封禪書迴文老去底須摹他時留與兒孫看此

江西詩徵

卷八十六名媛

二

是安人繡字圖

自題歸舟安穩圖

館閣看兒十載陪慮他福薄易生災寒儒所得要知足隨

我扁舟歸去來

一艇平安幸已多胸中原未有風波團圞出又團圞返兒

頤鬚長母壽瞻

一生辛苦備三從六十新叨

墨敕封得向青山梳白髮此心閒處便從容

書聲纔歇笑聲連乞棗爭梨繞膝前自笑老人多結習課

孫不及課兒專

三十隨夫四海遊江山奇處每勾留誰知老去清緣在還

望東南軟水舟

手植松楸翠幾尋故山歸去怯登臨白雲深處焚黃日可
慰梁鴻廬下心

四十歸田可閉門焚香省過苔

天恩三年後更添歡喜新婦爲婆子抱孫

黃鶴樓

誰見鶴飛去神仙不再過招魂才士盡遺韻酒人多文字
風猶霸江山氣不磨南朝資鎖鑰天險究如何

登太行山

絕磴馬蕭蕭羣峯氣力驕蒼雲橫上黨寒色滿中條返轍
河如帶攔車跡未遙龍門劃諸水禹力萬年昭

江南詩徵

卷八十六名媛二

五

金陵

難爲子孫守不是帝王居一片風流地千秋醉夢餘劫灰
塵久積金粉氣難除只有秦淮上笙歌六代如

越州

保邦憑智術存國仗陰謀吳越同歸盡胥蠡定孰優川巖
名郡別淳樸古風留可惜田疇少都人貴遠游

周氏

周氏安福人朱攀室

夢夫

月冷梅山照夜臺妾身未死已心灰十年地下無消息愁
絕西風刮耳來

蔣婉貞

婉貞字清映廣豐人蔣謙女

題一片石傳奇

百計思量泪眼空戰船催逼向江東酒樓夢裏分明聽斷
碣猶存矮屋中

數尺殘碑濕泪痕江邊人靜哭黃昏梨花二月城西路似
有靈旗掩墓門

豐碑四尺倚江濱細雨斜風墓草新謗語傳訛今始雪受
他貞魄拜詞人

唐在東

在東南昌人思州知府餘姚陳元側室

江南詩徵

卷八十六名媛二

四

答陳太守見寄

一曲驪歌歌未已征夫雨雪三千里三千里路未云遙夢
中同釣西江水

莫兆椿

兆椿號蘭芳江西人適吳某有蘭芳閣淑性編

渡錢唐江

澄江一碧烟光素浪湧晴空衝曉霧海門倏忽午潮生嚴
灘千里驚濤怒商船接跡何處來滿目秋帆無恙布宦遊
如水載輕舟能平險阻舟如步墨池凝露筆成花望澤人
難更僕數移家泛宅此追隨鼓柁憑君夕陽渡

贈蘇世母金夫人

譜系彭城舊眉山壺範新不緣門地貴早識性情真柳絮吟風暖椒花筆露勾香閑遲驛使紙帳獨愁人

弋水波恬日銀城月上時一簾梅鶴影兩地樹雲思文墨論交永天涯聚晤遲相期香草贈盟手復臨池

賦得春水綠波

春到池塘媚天開漱澗波鏡雲搖淺綠鱗鱗縠輕羅霽色烘流染蓮文漾復拖漁粧窺鬢濕燕翦趁風和放鴨浮光遠振簑罩影多新蒲明夕照清景更婆娑

登吳山贈淡菴道姑

探奇忽向最高峯客裏遊仙覓道蹤菊徑秋開金鎖鑰花臺雲捧玉芙蓉地緣人傑新芝秀路隔天梯斷谷封物外

江西詩徵 卷八十六 名媛二

五

相逢真不易山深遙聽暮林鐘

題海棠小幅

也向三春立品偏將四瓣分姿自是佳人難賦休嫌工部無詩

着紙幾添紅粉含毫數點烟光筆下春風何限憐他淡色濃香

康瑤玉

瑤玉吉安人適李秀才清有梳雲閣集

客次

孤館蕭條客緒煩萬端心事與誰言同堂姊妹皆凋謝空遣愁魂返故園

某氏

某氏江西人娶婦也能詩精青鳥術康熙間偕其弟游楚爲人相墓有奇驗詩不多見

寓楚清明祭夫作

荒郊極目墓雲低緩步行來失舊蹊縱使紙灰能作蝶應知飛不到江西

許權

權字宜娛江州人進士崔謨室

田婦行

椎髻饁田畝其夫耕且顧宇宙有至情聊以娛旦暮世有利名人棄之如陌路所以全倡隨甘心荆與布相繼荷耒

江西詩徵 卷八十六 名媛二

六

歸村銕照晚酺

贈外

君子安厥命真人息其機舉世笑君貧君貧不自知天地兩大境溫飽與寒饑人不寒饑死定有溫飽時陰陽相倚伏此理天不虧痛飲劉伶酒狂吟李白詩終日無塵事春風任所之

夢天

招我以神仙之窟島嶼之墟乘我以丹鳳之輦赤龍之車下踏五嶽俯清虛上摩日月走天衢回首人世真渺茫平地一抹何蒼蒼雲山幾點海中央我欲棄之任翱翔忽聞空中飄鼓吹綽約佳人御雲氣似曾相識碧落邊共赴瑤

池爲仙吏瑤池日敞宴初開星娥月姊歷歷來我時不見
虎尾豹齒之神人但須細嚼流霞酒一杯旋覺心清骨體
酥汗透衾冷夢覺初孤枕孤鐙無聊劇西風淅淅響庭梧

雨晴

山路忽如洗幽禽語不休殘風收雨腳晚照破雲頭柳眼
猶含淚花心尙帶愁凭闌多感慨春色滿晴州

聽雨

細雨作凄其寒閨聽却宜隔窗心共冷欹枕淚同垂殘夢
剛醒後孤燈欲滅時誰能拋此夜留着領相思

夜坐遣懷

爲有羅衣掩却名感懷心緒怕深更柔風密竹敲難靜細
江南詩徵

卷八十六 名媛二

七

雨孤燈濕不明撥酒案頭書恨字援琴几上結愁聲蕭然
獨坐寒閨悄羨殺鄰姬解薄情

曉妝

烟籠曉日集窗紗紅粉樓中理鬢鴉呵鏡淡雲成艷膜倚
粧倩影動情芽纖腰欲笑臨風柳香頰全欺裊露花縱使
春光生妒我一鈎簾幕若爲遮

早雁

懨懨病骨怕逢秋鎮日無言獨倚樓何事塞鴻來恁早西
風料峭一聲愁

七夕

七月七之夕家家望女牛神仙不可見涼風何颼颼我疑

天孫之巧轉近拙東西隔斷難飛越一年一度一分離千
古銀河響幽咽不須乞巧向天孫若賜巧來愁欲絕君不
見東家力田婦耕鋤常相隨旦暮共苦藥白首不分離又
不見西鄰有才女夫婿上玉堂終年不相見悵望悲河梁
玉露無聲夜清悄盤中盼斷蛛絲遠不知巧思落誰家只
恐巧多人易老寄語人間痴女兒寧爲其拙毋爲巧

游瑜

瑜字輝璞臨川人南城陶栗亭太守室有集蓼山

房詩草

家外歲暮遠行率爾贈別

作客當冬盡蕭然離別輕風霜方滿目一劍獨長行杯酒
江西詩徵

卷八十六 名媛二

八

天涯意孤燈旅夜情硯田荒不得春月好歸耕
寒食

春到園林啟玉閨紛紛風雨落前溪鷓鴣聲裏懷歸客繡

戶停針聽馬蹄

寄弟婦慧初

握別期重見歸途百感生界山回首望獨聽一蟬鳴

七夕

天孫今夕渡銀河水落長橋月有波獨對藁砧三嘆息人
間不信別離多

繡枕

繡就鴛鴦枕停針看雁飛秋來消息好爲我寄征衣

寄弟婦

香飄桂蕊滿庭幽月照姑山江水流回首繡樓今夜景不知多少故園秋

已巳秋月送外之洪都

又作洪州客囊空更可虞眼中雙顰去鏡裏一鸞孤露冷風聲細天高月魄俱如何英俊彥長是事征途

偶吟

守分安貧樂自然一經教子有遺編窻前月過籬邊菊共爾清吟夜不眠

歸寧不果寄貞女張四姊

暮雨觸愁多離人可奈何更憐沙際雁不向汝濱過

江西詩徵

卷八十六 名媛二

九

春望

獨立徘徊四望空無心雲散一天風山前春草心先綠水外時花影自紅

同梅大姑遊襟江別業

別業同來此再遊春江春水到門幽清明何處見歸雁上巳明朝紛泛舟日暮孤汀人望遠天涯芳草我懷愁倚欄曾記秋山好花裏追陪憶往不

營盤山

山號營盤是古邱將軍百戰一時休路旁荒草殘碑臥松柏蕭蕭繫馬牛

雨後月

怕聽黃昏雨慵看新月輝池邊芳草綠猶恐未能歸

娟娟如蛾眉畫筆倩誰持天上清虛府何人始褻詞

庚午七夕聞雁

夜靜風來暑氣收一聲歸雁過南樓雙星今夕渡銀漢伴通關干看女牛

中秋後三日答外

秋色平分月正明已看仙挂折高岑鹿鳴宴罷瓊林近北雁南飛聽好音

鉛山蔣心餘先生見余所作攻逸草疑爲家外捉刀賦以感之什家外持以示余適汪姻姊石君書來詢

近况因登其韻自嘲寄之幸毋令人見也

江西詩徵

卷八十六 名媛二

十一

千古傳芳不藉詩惟來名士有微詞從今洗却簪花筆賣與鬚眉去畫眉

無聊心緒幾篇詩學步方知媿妙詞此亦從來繁文運可憐才子妬蛾眉

寂寞寒閨夜泣身緣憲聊復耐紛紜笑啼到處關天性風雅何嘗必士人

大家炎漢女兒身續史誰能步後塵畢竟多才餘事也輸他風烈勝男人

人生誰不怯無聞婦職終能勝漆紛敢謂反躬求四德常慙孤負左將軍

能久虛名古未聞枉將才德議紛紛深閨縱有凌雲手不

是當時娘子軍

王申秋月答外

已近雲霄咫尺天

恩科真切任才賢荆釵足償泥金報準擬龍頭屬少年

夫子改用秋曹佐政余以將有京城數千里之行歸

寧言別夫子枉詩見寄爰即奉答俯仰今昔情見乎

詞

聚首人生樂自然十年燈火共陳編寒窗已是青雲客遮

莫離思夜雨懸

吟咏長懷不怨尤偶因悵別兩心愁偷光紡績年年事何

有何無龜勉求

江南詩徵

卷八十六 名媛二

十一

婦職思勤不問寒每師恒少布夜寬知君亦記當年事憐

我辛勤較獨難

百姓昭明

帝德昭平章仰體重秋曹縱饒翰院謗詞賦議任還妨束

閣高

非屋非舟總是居征車早戒入

皇都行裝不備何須媿三世為官俸少餘夫子之先三世皆京秩惟兩叔

父外任縣令別駕亦僅有一條不蔽風雨

多愁多病念慈闈今日歸寧悔太遲膝下遠將隨官日承

歡端的讓男兒

吳氏

吳氏南城人分宜楊某之配楊早卒吳携子曰鯉

家南城課之讀書六經皆口授曰鯉成進士官刑

部主事吳就養京師數年卒有悟雪草堂詩鈔

寄懷弟吳文山

弟名晉勳廣東溪遙知縣

冷過黃梅節庭花幾度剛艱難思弟妹迢遞望鄉關別味

濃於酒歸心繞若環麻姑山下路夜夜夢中還

握別經三載音書兩地疎祇緣多意緒不是少鴻魚願切

凌雲志心傷異土居天涯有老父安否近何如

憶自江干別銷魂歲暮時徧嘗作客苦誰念到家遲夜績

分鄰火停機撫睡兒年來貧且病何計慰離思

鏡中見窗外梔子花

江西詩徵

卷八十六 名媛二

十二

粧臺曉起拂青銅掩映冰姿帶露空枝葉別栽塵土外色

香疑在有無中深憐幻影蜂難近始信仙源路不通靈室

何愁風雨妬朱幡好護舊芳叢

鈴江曉發

一葉扁舟穩似龕蓬窗坐看水如藍宜陽舊說山無限烟

雨空濛剩二三

大港口

行行疑路盡幽境豁然開一水分南北千秋此去來斷橋

猶枕石破寺只荒苔日暮深崖裏猿吟幾度哀

晚泊周家渡

半塘渡口夕陽斜魚子星星哺浪花行過小橋三五里竹

籬燈火見人家

周家渡曉發

二月春光上柳腰一堤紅盡失雙橋扁舟昨夜橫塘泊小水新添尺五潮

仲夏雨窗卽事

濕雲帶雨暗簷牙薄絮還從葛外加繞徑漫分幽圃菊沸鑪初試碧晶茶蠅貪墨瀝窺青管蜂困窗櫺歸蜂少小院深局人不到爐烟輕裊一絲斜

夫子之盱江肄業賦別

不敢牽衣泣恐傷白髮親寒雲隨去馬落日動征塵極目烟波遠關心歲月新楚天回首處獨作未歸人

江西詩徵

卷八十六名媛二

三

秋夜

繡罷閒無事秋窗景寂然天高霜月小夜靜冷風旋實理難窮際虛名敢自專挑燈評漢志俯仰愧前賢展卷忘更永雞聲動四鄰孤燈寒共影殘月冷窺人別淚征塵外鄉思夜夢頻天涯音信杳共說雁來賓

夏日卽事

蔚藍天影薄於綃夢裏家山覺後遙枕納曉風蚊散市簾開初日燕來朝悽情涼緒多方遣愁病詩魂一概銷只有好花莫不得深陰新透美人蕉

九日懷遠兼憶文山

千里悲秋客登樓倍愴神最憐今日酒不醉去年人雲物

殊飄泊茱萸耐苦辛數行離別酒獨灑楚江濱

三月十七日憶亡女

痛汝歸何處蒼天不可呼傷心堦草色髮髯認羅襦

壽嚴大姊四十

姊介谿人適防里歐陽氏

猛惜流光逝支離恨萬端深憐柔儒質受此雪霜寒囊底黃金盡懷中白璧完一燈長顧影中夜每三嘆

萍踪亦偶爾相愛轉相親結義爲姊妹交情豈路人浮雲看物態淡月想丰神願此杯中酒年年醉暮春

壽徐二姊四十

姊河南衛輝人適吾邑介谿嚴氏

兒媳殷勤笑舉觴今朝愛日喜初長承歡豈爲貧來減菡萏

江西詩徵

卷八十六名媛二

古

寂守空閨廿二年清宵課子讀遺編機聲夜和書聲永漏盡燈殘雪後天

歷盡冰霜老翠顏柏舟低咏恨難刪湘江兩岸青青竹也是愁人血染斑

生小朱門富貴家千金身分憶榮華如雲往事難回首鏡破釵寒泣暮鴉

余家遠住建溪頭兩岸雲山是舊遊應記幼時行樂處雙姑聳翠對粧樓

姊尊大人讓甫先生原任吾鄉建昌府太守

多病多愁萬慮攻粧臺鸞鏡久塵封從今莫話傷心事淚落輕衫損舊容

拜月詞

今昔天邊月悲歡遷不同昔時曾拜爾今日故愁儂
不種庭前樹惟貪月色多誰將山岳影顛倒作枝柯
欲砍月中枝縛作齊天帚夜夜掃輝光不使微雲垢

訓鯤兒

三年飲恨淚難乾任重於身豈忍安夜讀幾會星半落朝
眠每是日三竿順帆不肯先登岸逆棹徒勞急上灘我愧
古來賢聖母也將心苦和熊丸

安貧安命度朝昏往事傷情孰與論手把遺書課穉季心
期

鸞語慰孤魂功名但得垂朝野田宅何須及子孫從此青
雲今有路魏舒不負外家恩

江西詩徵

卷八十六名媛二

五

男兒意氣溢塵寰面壁功成萬慮刪拈韻吟詩能永日讀
書鍵戶即深山寸心得失爭前定名教綱常稟大閑自幸
有生逢

盛世敢云素志托蕭閒

和二弟璧山得家書志喜原韻

弟名玠建昌府文學

天際孤鴻至雲門遠信傳平安及母姪風雨慶時年歸夢
三春後鄉心夜月前怪他離別淚喜極復潸然

一片石題辭

脈脈驚魂散未收隨風還上舊粧樓休言家破身無主也

占名城土一邱

紅瑜牙板按官商幾曲清歌足斷腸詞客不須嗟玉碎芳

魂久仕白雲鄉

百年殘塚賸無多四尺荒碑草一窩何日章門維短櫂寒
漿冷酒酌湘娥

題畫

秋水澄空練餘霞散落暉清閒輸白鷺癡立竟忘飛

題山水圖

遠山青與近山連野樹蕭蕭古路偏日暮小橋無客過一
灣秋水自寒烟

偶成

種松苦難成難成却耐久莫作眼前思但種門邊柳

寄女建姑兼東壻張文涑

江西詩徵

卷八十六名媛二

六

憶汝年方幼遙憐性格偏微軀常進藥薄硯晚加縣機杼
勤拋月窮通祇任天無違全婦德勿愧古人賢

秋柳

樓前曾記美輕柔宿露含烟翠欲流昨日西風今日雨十
分憔悴不勝秋

一枝零落夕陽天瘦影依依也自憐縱有長條堪繫馬已
無絲葉可棲蟬

乍覺風流減細腰寒蘆野水共蕭蕭行人莫恁輕攀折千
古傷心是斷條

盱江舟中望鯤兒登從姑山極頂

疊磴危梯路百盤蒼烟霧雜雲端癡兒不倦登臨興黃

葉秋風上戒壇

月夜懷弟

萬里憐吾弟，艱虞困此身。青衿邀一第，白首痛雙親。浪迹知何所，交情有幾人。今宵相憶處，涼月白如銀。自汝離鄉縣，頻年音信無。遙憐身落泊，不復念妻孥。壯志凌飛鳥，歸心警夜烏。別來經十載，昨夢又模糊。

寄鯤兒

金風颯颯夕陽天，倚遍柴門望眼穿。南極星辰尊一老，西園圖史集羣賢。梧桐記閨垂陰密，菡萏迎秋出水鮮。見說春臺山色美，莫耽雲臥負華年。宜春堂在郡城

秋夜述懷再寄鯤兒

江西南詩徵

卷八十六名媛二

七

銀漢昭回夜，空庭暑漸收。腕消團扇力，衣怯素羅秋。爽氣隨天盡，疎雲帶月流。無言成寂寞，幽思上簾鉤。驚秋兼臥病，形影自相憐。清瘦殊如柳，哀吟敢附蟬。人情甘淡泊，俗事厭周旋。小立西窗下，愁心泣斷烟。夜深牽動息，月影到簾時。愛菊常看蕊，憐松不去枝。無營如學佛，多事是吟詩。一逕尋秋意，涼風冷透肌。逝水流光換餘生，拙更勞盛衰。安命數辛苦，念兒曹夜色侵書幌。晨星動劍韜，題橋酬素志。不負茂陵豪。

三月晦日五十初度鯤兒偕姪曰灼女婿張文濤詣莊稱觴潛然有作并哭亡兒日鯨

今朝春色去匆匆，五十光陰一夢中。人美利名花上錦，我

看毀譽樹邊風。知非漸覺衰年近，安命渾忘造化工。多病祇應拋世事，憑欄終日泣飛鴻。

此生因果靜中忖，子死夫亡痛不堪。城口對人情獨苦，冥心度日意難甘。祝親漫說籌添百，爲子須知孝有三。垂白行藏真可歎，千絲萬繭似春蠶。

荆花庭院一枝摧，物是人非實可哀。兒女私情癡不斷，死生公案結難開。空憐猛雨移春去，可有明珠換夜來。十九年間惆悵事，一時回首恨成堆。

伯兄痛汝情無極，老母思兒淚滿膺。幾載功程成畫餅，一生事業付春冰。祇圖榮祿光泉壤，却被旁人說愛憎。最苦雪窓風雨夜，依然大吹讀書燈。

江西南詩徵

卷八十六名媛二

八

東山吟

泛宅東山下，居然大雅堂。殷勤供井臼，珍重侍春漿。熊膳文章窟，雞聲薜荔牆。出門風景好，喬木兩三章。昔道山川勝，今來信有緣。雙溪斜抱戶，一笏直撐天。樂志心常遠，安閒性所偏。種花兼種圃，雅不負林泉。初涉園林趣，頽然百慮刪。曙光瞻北斗，淑景湛東山。遠樹春烟亂，高峯積雪頑。一行天際路，蒼翠有無間。岸岸開阡陌，村村入畫圖。小橋平架板，矮屋細編蘆。野火看明滅，山嵐條有無。日高慵未起，啼殺樹頭烏。晝長無一事，也似在家時。老病經營少，空疎得句遲。筍櫟牆外玉，霜感鏡中絲。兒婦知吾意，茶烟鎮日隨。

暮色催朝色心安卽境安渾忘時序改祇覺水雲寬
遊筇看成竹寒流細作灘呼兒共永夜詩卷足盤桓

題會賓谷都轉西谿漁隱圖

西谿谿水遠西冷水爭沙明遠岫青七十二峯都入畫不
從鄧尉乞山靈

溶溶脈脈夜潮生蟹舍漁莊兩岸平劇欲誅茅谿水畔凭
闌好聽權歌聲

雨窓烟戶足清娛此意蹉跎五載餘借得吾鄉工妙手擘
牋圖寫水雲居圖爲分宜萬殿卿明經作

本天學士愛清華花影依依壓帽紗未許宅身幽遽境祇
應題作畫中家

江西詩徵 卷八十六 名媛二

充

吾亦南城古渡南雙姑擁翠托烟嵐披圖細認曾遊處髮
髭麻源谷第三余母家南城

李芹月

芹月字璧池臨川人直隸總督級女孫工詩古文
詞適保寧太守蔡新儒子榮從宦遠游詩有江山
之助榮早卒矢志廢棄篇詠研究史鑑所著煨於
火僅存詩數章

過澠池縣

澠池好會憶當年擊缶彈琴豈偶然嶺樹蒸雲疑作雨溪
風激石亂鳴泉已悲逆旅歌三陟未息勞生卸一肩日暮
更投前路宿故園芳草夢魂牽

賦得風泉韻繞幽林竹

林下風來萬象幽娟娟細簾漾清流於今淇水猶垂釣終
古湘靈不浣愁濕翠晨飛薄冷露澄潭夕暝澹新秋碧山
隱約烟光遠暮雨瀟瀟響未收

宿泮城

籃輿千里下夷門故國山河蹟尙存五代精靈憑草木三
川雲雨黯朝昏春秋彭澤空回首燈火樊樓易動魂懷古
思鄉兩行淚離宮芳樹夕陽屯

偃師題壁

西來行路正威遲一夕秋風住偃師此地空餘緱氏嶺笙
寒月冷有誰知

江西詩徵 卷八十六 名媛二

三

李紫月

紫月字采池臨川人芹月之妹工書摹聖教序頗
得其妙適廬陵歐陽瑾子上愛瑾素工書總督倉
場時有乞書者輒令采池代之早卒

過蕪湖

輕舟渺渺下青徐客裏河山縱目初一片鄉心收不得潯
烟殘月照蕪湖

望小姑山

霧鬢烟鬟向此中小姑風態爲誰容何當覓得南崖路澗
草巖花一萬重

閩肅英

肅英字端叔奉新人兵馬司指揮宋鳴珂嫡室

鍊石篇

吾聞女媧鍊石曾補天至今缺漏處五色相新鮮
渾渾爾孰爲鑿之然揚烟誰氏廬選材何峯顛救敝當救
圓補物當補堅胡然秋空雨萬古猶涓涓神仙怪者說好
事愚者傳異論倘見詞請君觀斯篇

擬迢迢牽牛星

白榆種歷歷銀漢流浩浩嗟彼牛與女懷思獨無告七襄
不成匹佇立空自悼招彼南飛鳥以我舟梁造蘭閨露下
立仰首盼蒼昊蒼昊何肅清斯言不可道

織蘆篇爲潯陽女子作

江西詩徵

卷八十六名媛二

主

七月蘆葦長八月蘆花白九月蘆葦黃黃滿川澤丁男
腰鎌刈蘆日千百束堅摧爲薪擲勒織爲席織蕭編作
廬相將江上居江上誠可居刈蘆兼打漁江風起無時吾
廬常晏如江月照江水吾廬多清虛賣魚輒沽酒婦子相
嬉娛茲事樂復樂此外不願餘

春日臨黃庭內景經有悟

日高花影長春風不能剪玲瓏日未昃鵲鳩光愈顯絳雲
在天際與化自舒卷一寫內景經靈趣抑何遠真源湛內
照秘籙啟奧典中有不死庭舉世知者鮮放筆來雙鬟松
風熟魚眼

課兒詩

賢愚信造物補苴屬人工網以結乃漁稻以耘乃豐縹緲
吾家事稽古代所同不見華堂上九世膺殊封汝祖今達
人汝父文之雉流傳到爾曹當思紹家風清霜透簷隙時
令當嚴冬蘭缸凝暮紫梢桺煨深紅穿彼九曲力竟此三
餘功汝曹良不惡頭角均隆隆勿學苦吟吟等彼村兒童
會心元不遠淪泉由發蒙我生幸不頑寄情筆墨中汝父
客天涯汝學殊未充作詩當夏楚庶用鞭汝躬

昭君曲

玉顏已逐塵沙老青塚千年怨春草當時不自買丹青死
後何緣惜枯槁琵琶調好無睽隔漢使猶傳出塞拍長門
濕盡阿嬌衣秋雁一聲天地白深閨十五盈盈女不識黃
雲在何許譜得清聲不斷腸日高無人作新語豈知淒涼
未忍說青塚黃昏照明月

樓前曲

輕颺拂夢穿烟破玳瑁梁高燕泥曉簾紋卷水收不得珍
禽微翻一花墮層樓梯空百餘尺交疏連錢屏白石西北
浮雲莫與齊東南日射天爲赤巨靈擘斷明星瘡幾登玲
瓏當戶擲古光貼地知川駛短翠入雲看樹直伯勞飛南
鴈飛北杏花深紅李花白藁砧得意應有無手扣刀鐙問
消息

題西湖士女圖

西湖一杯佳麗水葛嶺岩巖巖雲起湖中七十紫鴛鴦飛

入平章高閣裏內家樓外紫雲騰湖上樓船正上燈鳳簫
象板紫玉筍芙蓉衣裳擔瑟瑟西海寧知玉兔微東方又
見金烏白豈知繁華有消歇歌吹聲中聲鼓裂木綿蒼冷
夜霜霏道路游魂汗青血白公堤前楊柳芳蘇公堤上花
枝長未將風味輪羅綺肯使凋零劇感傷至今游人如蟻
出畫船爲家花作室請君畫取杜鵑飛飛上高枝斜日

瓶花供大士

旃檀作諸佛諸佛留旃檀盥手繪大士大士居人間大千
世界無窮已大士不在畫圖裏一瓶一几一花枝以我供
心斯可矣

寄外

江西詩徵

卷八十六 名媛二

圭

木落水微波秋風鴻雁過深閨理刀尺極目渺雲羅夫子
遠遊去高堂清夢多平安有消息早晚到烟蘿

古鏡

欽識迷朝代沈淪有歲年是誰淘掘土持以射青天一傍
妝臺久常扶寶髻偏殷勤閉蟬匣莫更躍深淵

寄琬仙三姑隨任溫州

迢迢山與川異地亦同天得見常因夢相思動隔年赤城
霞氣外玉署晚風前覓得蘭江鯉瓊瑤莫吝傳

風吹柳絮篇同琬仙三姑涂蟾玉帥柔卿諸妹賦

芳閣吹春絮東風放曉晴不禁小淡蕩母乃太輕盈乍撲
簪牙入徐鋪徑而平此時翻似雪吟入謝池清

雲效李嶠咏物體

徘徊扶日近搖曳映空過伴雨從龍急乘風翼鳳多杜陵
應有憶漢武獨高歌看到無心處支頤意若何

借諸姑姊妹遊城東李園

白日照不入黃鸝啼得來共穿一徑去正值萬花開小婢
莫頻折歸與休浪催欲看斜照裏成錦復成堆

登鎮江樓浮圖

危磯迴望勢驚騰更上浮圖最上層江漢小從衣上抹風
雲依傍檻前升諸天清梵難爲聽五月高寒不可勝我欲
瑤池謁金母好憑青鳥到崢嶸

春暮

江西詩徵

卷八十六 名媛二

圭

楊柳陰陰入戶垂櫻桃結子滿低枝一百五日佳節過二
十四番花信移莫憎春暖春寒候正是鸞眠鸞起時梳罷
簪篴無一事呼兒開閣詠新詩

春夜聞笛

遠笛隨春風徘徊聽來久已見落梅花還聞折楊柳

對雪憶家

記得辭家桃正紅幾年朔吹憶歸鴻那能對雪不相憶詩
在兩家樓閣中

送夫子之吉安

吉陽江樹暮雲低白髮蒼蒼望眼齊遊子有方元不遠君
行只在大江西

蘭階

蘭階字蘭娟奉新人家相女孫

臨高臺

我臨高臺古色萬里鴻鴈不來涼意在水苑苑者柳曄曄者蟬時運回幹何爲其然我有素琴可以高張不諧里耳宛焉襲藏盈尊之酒以待黃華桐陰之缺露秀其葩欲攀姮娥倚桂問之果緣何道而有盈虧

雜詩

幼讀神仙書慨焉慕修齡流霞沆瀣飲石室琪花明行則御六氣坐則吹瑤笙手把芙蓉花四時朝玉京素訣未得授丹砂空復情且當養靈臺會見天雞鳴

江西詩徵

卷八十六 名媛二

五

種蘭在空山灌蘭朝汲水露華朝冷冷蘭葉漸蕤蕤花時紛蔚茂芬馥襲簾几衆香一時低素馨焉足擬作詩以告蘭坐屢爲蘭起重是王者香而在空山裏

絡緯曲

過雨秋更清少焉月東出絡緯故催人聲聲動蘭室誰爲弄杵機終夜不勝悲宛轉結愁緒纏綿無盡時

恭和家大人雨後看菊用淵明韻

雨過消餘蒸雲移露遙嶺及看籬下花似逞霜前景是時已暮秋悠然耐淒冷聊持茗一杯相對坐忘永淡泊臨風心夷猶弄日影幽芳是處佳何必定遊騁更誦淵明辭逾覺幽居靜

寶釵歎

鏤金壓盤盤鴉黃寶珠綴粟翹鸞皇流輝耀首錯明璫彼姝藉色矜夷光烏輪長生兔魄死雄鳴嗶嗶靡靡寧甘墮地化爲石不合生年爲女子弄持寶釵叩消息水珮霓裳休借飾嫺皇搏土散作人一御鉛華無氣力華星一字千金價縷鳳雕鸞風在下寶釵擲地鏗有聲何如作賦餐霞生

暮春曲

衆鳥啼殘新果熟楊柳陰陰一窻綠畫屏畫掩生色間新篁解籜芳池曲曲蛺蝶翩翩迴舞輕落花委地都無聲捲簾碎日覆棋局隔竹炊烟浮午晴山雲一片尙含笑杜宇數聲啼夢醒春陽去擲不同顧白雪歌成心暗驚

江西詩徵

卷八十六 名媛二

五

重陽日登岐嶺

城南窮峩一千尺秋雲茫茫秋草白舉頭又見塞鴻飛落木蕭蕭寒照赤登臨何事戲馬臺茱萸欲泛重陽杯溪北溪南幾人醉山前山後黃花開蓼蘆白擔秋急茶鐺酒幔牽風入俯瞰馮川卽逝波牛山豈獨能沾濕昔年曾此一盤旋今歲重來豈偶然媿無詞賦酬佳節指點歸興月在天

題伯兄畫綠陰飛瀑圖

吾兄腕底懸飛瀑龍舞蛟盤響幽谷蒼茫四顧無人烟萬綠叢深鳥相逐白日陰陰冷似秋涼風淅淅來修竹雲中

健鶻起凌亂巖上幽花散芳馥斯圖變化天機全跌宕淋漓
清磬心目通靈妙意不易會直恐銀河翻尺幅

題儀真女史汪儀秋容八幅後

園林秋老寒風烈秋花憔悴看愁絕橫展八幅秋容圖恍
如天地迴秋節天機淡蕩真絕倫腕指所至疑有神花光
的爍映秋水寒蟲恍恍花間鳴儀真汪儀一士女能以丹
青作有狙掩卷太息心茫然斯人斯人在何許

掃葉煎茶歌

天風蕭蕭木葉落離離是處盈邱壑掃將鹿跡試龍團遂
有潄聲鳴晝閣澗泉井泉一味煎魚眼蟹眼珍珠圓好傾
玉盞玻璃碧細詠蘭苔翳翠鮮

江西詩徵 卷八十六 名媛二

望西山

問道洪崖子乘雲自此間有天皆上界得爽是西山花有
六時雨鶴無千載還幾時足馭近細嚼篆文丹

夢得首二句續成

長立小樓前吟魂蕩曉烟水流還極浦草色又今年歷雪
經春後輕寒欲暖天幾時楊柳意青到酒旗邊

觀漲

樓暗雨水疾飄風衆鳥驚須臾成澤國洞汨入山城蛟下
波逾急雲濃電更明晚來天欲霽虹影半空橫

賦得霞邊賣酒家

夕照天如醉明霞過酒家九光隨去鷁五色帶歸鴉却觀

青帘麗誰從白墮賒此時真若畫初月一鉤斜

夜看白菊

不採黃金種翻憐白雪英洛神垂珮重羸女弄珠明素色
月中稱無言離下生此時人更澹山影極天橫

薄暮偕諸娣姊妹步城至青雲樓

闌帶斜陽蘭閣侶衆芳樓從雲際出山到晚來黃絕檻
有鴉俯平川抱郭長言歸不覺暮嶺樹月蒼蒼

秋夜

一片生涼月迎人獨倚欄秋高鴻雁落夜久水雲寒綺閣
疏猶白荷衣墜未殘西風能幾許吹得井梧乾

秋雨

江西詩徵 卷八十六 名媛二

未

小院黃昏雨秋從枕簟生遙知馮水北已暗越王城山濕
柳垂垂瘦殘蟬故故鳴不須揮羽扇漸覺御風輕

初夏登縹緲樓和三嬌元韻

近夏黃梅雨春寒黯未收奇雲不成岫淺水暫迴鷗荷葉
田田小楊枝宛宛柔倚欄空睇盼白雪竟難酬

雨晴對園中草木

雨過物含態雲開天淨明東風宜小圃乳燕語春晴種樹
書堪讀離騷註欲成更無人去處隨意紫苔生

九日登樓晚眺

是日家大人與諸同

雨餘秋似水雲破日猶荒側想郊遊爽遙知野菊黃地原
留勝概天與放清光縹緲城頭檻閒凭送夕陽